

REGULAMENTO X LEGUA IRMANDIÑA

VIMIANZO, SÁBADO 27 DE XUÑO DE 2026

1. IDEOLOXÍA

Ao abeiro da festa do *Asalto ao Castelo*, a celebrar no seu día central o sábado 4 de xullo de 2026, XXIX edición, organízase esta carreira popular vertebrada co Castelo e cunha distancia baseada nas antigas unidades de medida.

Por suposto, a carreira nace imbuída do espírito do Asalto, de tal xeito que a chegada ao Castelo estará ambientada e decorada, máis alá do espectacular contorna monumental da meta e da competición organizada no morrer do día.

Tamén por suposto, todas as idades terán acubillo nas distintas categorías que conforman a carreira.

Os actos da proba concluirán coa cerimonia de entrega de premios e do avituallamento líquido e sólido de rigor.


Desde o máis amable ánimo irmandiño convidámosvos a participar e a asaltar ás carreiras o castelo. Arde Soneira!

2. CATEGORÍAS-DISTANCIAS-HORARIOS-PERCORRIDOS

Categorías	Datas nacemento	Categorías	Datas nacemento
Pitufos	(2019-2023)	Cadete	(2011-2012)
Benxamín	(2017-2018)	Xuvenil	(2009-2010)
Alevín	(2015-2016)	Absoluta	(2008 e anteriores)
Infantil	(2013-2014)		

Probas	Horario	Distancia
Irmandiña Pitufos	21:00	100 m aprox.
Irmandiña Benxamín e Alevín	21:15	1200 m aprox.
Irmandiña Infantil, Cadete e Xuvenil	21:40	2700 m aprox.
Legua Irmandiña	22:00	5000 m aprox.


Categoría Pitufos (aprox. 100 m.): 21:00 h



Categorías Benxamín e Alevín (aprox. 1200 m.): 21:15 h



Categorías Infantil, Cadete e Xuvenil (aprox. 2700 m.): 21:40 h



Categoría Absoluta (aprox. 5000 m.): 22:00 h



3. NORMATIVA XERAL E DE SEGURIDADE

1. Rexeráse pola **regulamentación de Seguridade Viaria do Estado e da Comunidade Autónoma de Galicia**, que establece os requisitos esixidos para a celebración de probas deportivas na vía urbana (Real Decreto 1428/2003 do 21 de novembro, publicado no BOE nº 306 do 23 de decembro de 2003 sobre a ocupación da vía pública; e o Real Decreto 849/1993 do 4 de xuño de 1993, sobre a contratación do seguro de responsabilidade civil e de accidentes).
2. Cada proba estará subscrita ao **seguro de responsabilidade civil** do Concello de Vimianzo. Tamén contará cun **seguro de accidentes** que terá as coberturas mínimas esixidas no Real Decreto 849/1993.
3. Contará cun **servizo médico-sanitario**, que constará dunha ambulancia e un médico, como proba que non supera os 750 participantes.
4. A asistencia sanitaria derivada dun accidente deportivo durante a proba deberá realizarse nos centros médicos concertados pola aseguradora da proba, agás en casos de urxencia vital.
5. A organización da proba resérvase o dereito a modificar horarios e ou percorridos, así como aprazar ou suspender a carreira se así o estima oportuno por razóns de seguridade.
6. No caso de que para o día de celebración da proba se decrete unha **alerta laranxa a proba será suspendida** automaticamente. Buscarase unha data adecuada para desenvolve-la e non se devolverán os cartos da inscrición.
7. Os atletas que durante o transcurso da proba, circulen por fóra do espazo delimitado polos vehículos de sinalización de inicio e fin de carreira, considéranse a todos os efectos usuarios normais da vía.
8. Toda persoa que corra sen estar inscrita, farao baixo a súa responsabilidade e non poderá participar de trofeos nin obsequios. Tampouco estará amparada polos seguros da proba.
9. Debido ao carácter estritamente deportivo e popular da proba non se admitirán reclamacións. A participación é libre e leva implícito a aceptación do Regulamento Xeral da proba. A Comisión Organizadora non se fará responsable dos danos físicos, morais ou materiais que ocasione a participación nesta carreira. O non recollido no mesmo resolverase segundo o criterio da comisión organizadora, sendo as súas decisións inapelables.
10. A organización porá a disposición dos participantes na carreira unha instalación para que se poidan cambiar e duchar, así como un servizo de garda roupa.
11. Os únicos vehículos que poderán seguir a proba, serán os autorizados pola organización.
12. Descualificacións:
 - O servizo médico da competición está facultado para retirar durante a proba a calquera atleta que manifeste un mal estado físico.
 - Todo atleta que non realice o percorrido completo.
 - O atleta que manifeste un comportamento non deportivo ou se reitere en protestas ante a organización.

4. DEREITOS DE IMAXE, USOS DE DATOS E AUTORIZACIÓNS

Os deportistas inscritos comprométese a aceptar estritamente o presente regulamento e calquera posible modificación.

Os menores de idade inscribíranse baixo a supervisión e autorización paterna ou

dun titor legal. A inscrición dos menores na Legua Irmandiña ou en calquera proba do mesmo implica a autorización paterna ou do titor legal para a súa participación.

A realización da inscrición implica ter lido, entendido e adquirido os compromisos que a continuación se expoñen:

- O atleta inscrito declara que está en bo estado físico e ten pasado os pertinentes recoñecementos de saúde.
- A organización recomenda a todos os participantes realizar unha revisión médica previa á participación na proba. Cada participante toma parte na carreira baixo a súa responsabilidade e declara posuír un nivel de condición física suficiente para afrontar a proba.
- Calquera atleta con problemas médicos (alerxia, atencións especiais,...) deberá facelo constar no reverso do dorsal da proba.
- O atleta inscrito autoriza e acepta a publicación do seu nome e apelidos e a súa imaxe nas clasificacións, medios de comunicación e internet, (...) para a promoción do deporte. Calquera persoa inscrita poderá prohibir a utilización da súa imaxe previa solicitude expresa por escrito.
- De conformidade co establecido na normativa vixente en protección de datos persoais, os datos facilitados polos participantes serán incorporados aos ficheiros da organización coa finalidade de tramitar a participación na proba e xestionar aspectos relacionados coa mesma.

5. SISTEMA DE CRONOMETRAXE, CHIPS E RECOLLIDA DE DORSAIS

- Para controlar as probas estableceranse controis de cronometraxe por chip. Todas as probas, agás a categoría pitufo, serán cronometradas por Cronotec. A proba de categoría pitufo iniciarase no mesmo punto en que finaliza, isto é, na praza do concello. O resto das carreiras terán a saída na praza do concello e a meta no castelo de Vimianzo.
- Será obrigatorio o uso de chip para todas as categorías (facilitado pola organización), agás pitufo.
- Será obrigatorio o uso de dorsal para todas as categorías (facilitado pola organización).
- O atleta que non porte o chip non poderá entrar na clasificación.
- O atleta que non porte dorsal poderá ser descualificado se así o estima a dirección de carreira.
- O **horario de apertura das mesas**: a mesa de recollida de dorsais **abrirá ás 19:30** e estará situada na Casa do Concello. Os dorsais e chips poderanse recoller **ata 30 minutos antes do inicio da proba**.
- A retirada de dorsal e chip deberá realizarse como mínimo con 15 minutos de antelación ao inicio da carreira.
- Os chips son persoais e intransferibles polo que a suplantación da personalidade dos atletas, sancionarase coa descualificación do portador e do/a atleta suplantado, anulando todos os dereitos adquiridos na inscrición.

6. INSCRICIÓNS

O prazo de inscrición para todas as categorías pecharase o martes 23 de xuño ás 23:59h., e non se aceptará ningunha inscrición unha vez rematado dito prazo.

As inscricións para os atletas realizaranse a través da páxina web

www.cronotec.es tanto para os deportistas de categoría absoluta coma os deportistas das categorías de base.

Na categoría absoluta, as prazas estarán **limitadas a un máximo de 200 participantes**, por motivos de aforo no Castelo e co obxectivo de garantir a seguridade e a calidade do servizo no avituallamento especial final.

Cotas de inscrición:

- 5€ para a categoría absoluta.
- Gratis para as categorías de base.

7. CLASIFICACIÓNS, TROFEOS/MEDALLAS E ENTREGA DE PREMIOS

• Clasificacións da proba absoluta:

- Optan a esta clasificación todos os/as atletas participantes na proba.
- Recibirán medalla e subirán ao podio os tres primeiros/as clasificados/as na categoría xeral (os tres primeiros e primeiras que entren na meta).

• Clasificacións das probas de base:

- Recibirán medalla e subirán ao podio os tres primeiros e primeiras clasificados/as en cada unha das categorías (benxamín, alevín, infantil, cadete e xuvenil).
- Ademais na categoría pitufo, benxamín e alevín recibirán medalla conmemorativa e/ou premio afín todos os participantes na proba.

• Entrega de premios:

- A entrega de premios está prevista para ás 22h 00' para as categorías inferiores (agás pitufos) e ás 23h 00' para a categoría absoluta. A entrega de premios terá lugar no Castelo de Vimianzo, lugar no que se habilitará un podio.

ORGANIZAN

